



Акафист преподобней Марфе Дивеевской

Кондак 1

Избраннице Царя Небеснаго, преподобней матери нашей Марфе, в бедах и скорбех скорой помощнице благодарственное пение приносим. Ты же, имущая предстательство пред Господем, молися о нас, любовью тебе зовущих: Радуйся, преподобная мати наша Марфо, молитвами своими обитель Дивеевскую не оставляющая.

Икос 1

Ангели на небеси радовахуся, видяще добродетельное житие твое, преподобная мати Марфо: явилася бо еси воистину искательница Небеснаго Бисера, Иисуса Христа. Мы же, зряще подвиги и труды твоя, благодарственно воспоем ти таковая:

Радуйся, плоды Духа Святаго в себе стяжавшая;

радуйся, к тихому пристанищу нас направляющая.

Радуйся, окамененная сердца наша во умиление приводящая;

радуйся, посреде скорбей дивный покой нам посылающая.

Ра́дуйся, от неча́янных сме́рти нас
огражда́ющая;
ра́дуйся, от ко́зней диа́вольских нас
заступа́ющая.

Ра́дуйся, из пучи́ны грехо́в нас изводя́щая;
ра́дуйся, ко престо́лу Госпо́дню сердца́ наша
вознося́щая.

Ра́дуйся, преподо́бная ма́ти наша Ма́рфо,
моли́твами свои́ми оби́тель Дивее́вскую не
оставля́ющая.

Кондак 2

Ви́де Влады́ка Небе́с души́ твоя́ добро́ту, я́ко
уподо́билася еси́ му́дым де́вам, всякую сла́дость
и сла́ву земную́ презре́вши. И мы вси, иму́ще
такову́ю предста́тельницу о нас недосто́йных,
прославля́ем просла́вльшаго тя Го́спода и поём
Ему́: Аллилу́иа.

Икос 2

Ра́зум Небе́сный тебе́ дарова́ся, ма́ти Ма́рфо,
егда́ послу́шала еси́ гла́са Бо́жия и, ше́дши с
сестро́ю твоёю в пу́стынь Сара́вскую, ста́рца
Серафи́ма дости́гла еси́. Те́мже убла́жающе тя
взываем си́це:

Ра́дуйся, измла́да в познании́ Бога дивно́
умудри́вшаяся;
ра́дуйся, а́ки елeнь ко исто́чнику́ благода́ти
Бо́жия устремив́шаяся.

Ра́дуйся, а́нгельское жити́е нам явля́ющая;
ра́дуйся, в стра́се Бо́жием нас наста́вляющая.
Ра́дуйся, в терпéнии и смире́нии своéм Христу́
Бо́гу подража́вшая;
ра́дуйся, о прощéнии грехо́в слéзы
пролива́вшая.
Ра́дуйся, вся плотскія по́хоти Бо́га ра́ди
умертвívшая;
ра́дуйся, мно́ги ко́зни лука́ваго победívшая.
Ра́дуйся, преподо́бная ма́ти на́ша Ма́рфо,
моли́твами сво́ими оби́тель Дивéевскую не
оставля́ющая.

Кондак 3

Си́ла Вы́шняго осени́ Серафíма преподо́бнаго,
егда́ благослови́ на ино́ческое жити́е
прише́дшую к нему́ ма́терь на́шу Ма́рфу. Мы же,
дивя́щися тако́вой Премудрости Бо́жией, вопи́ем
Христу́ Бо́гу: Аллилу́иа.

Икос 3

Иму́щи оби́тель Дивéевская превели́кое
сокрови́ще, вседрагíя мо́щи твоя́, преподо́бная
ма́ти Ма́рфо, лику́ет, и мы о сем радости
исполня́емся и с любóвию воспева́ем тебе́
тако́вая:

Ра́дуйся, из пучи́ны отча́яния нас
извлека́ющая;

ра́дуйся, во страда́ниих Бо́га хвалі́ти
науча́ющая.

Ра́дуйся, мглу́ сомне́ний на́ших рассеява́ющая;
ра́дуйся, изнемога́ющія́ си́лы на́ша на
бодро́сть прелага́ющая.

Ра́дуйся, от тесноты́ земны́я горе́ ны
возно́сящая;

ра́дуйся, ми́лости у Го́спода нам прося́щая.

Ра́дуйся, ду́ши на́ша от вся́кыя скве́рны
охра́няющая;

ра́дуйся, в Небе́сном гра́де нас предва́ряющая.

Ра́дуйся, преподо́бная ма́ти на́ша Ма́рфо,
моли́твами сво́ими оби́тель Дивеевскую́ не
оставля́ющая.

Кондак 4

Бу́рю помышле́ний претерпе́вши и
дьяво́льскія́ си́лы победивши, преподо́бная
ма́ти Ма́рфо, пришла́ еси́ в пристани́ще тихое и
безмяте́жное, иде́же пое́ши со все́ми
а́нгельскими́ си́лами хвалу́ Бо́гови: Аллилу́иа.

Икос 4

Слы́шахом о тебе́, ма́ти Ма́рфо, яко́ дивно́ от
мирскія́ суеты́ к мона́шескому́ подвигу́
призвана́ бе, и е́ще ю́на су́щи отверглася́ еси́
во́ли своея́, и в зна́мение отсече́ния ея́ постри́гла
еси́ власы́ главы́ своея́. Си́е у́бо произво́ление
похваля́юще, воспева́ем ти такова́я:

Ра́дуйся, благо́е и́го Христо́во на себѣ
возложившая;

ра́дуйся, ду́ши на́ша свѣтом ве́ры
просветившая.

Ра́дуйся, нас во страда́ниих душе́вных
подкрепляющая;

ра́дуйся, нас красо́тою любве́ украша́ющая.

Ра́дуйся, Бо́гом на Небеси́ и на земли́
прославленная;

ра́дуйся, вене́ц сла́вы и бога́тство нетле́нных
приимшая.

Ра́дуйся, от суеты́ мирскія нас огражда́ющая;

ра́дуйся, незло́бие и крото́сть в сердца́ на́ша
вселяющая.

Ра́дуйся, преподо́бная ма́ти на́ша Ма́рфо,
моли́твами свои́ми обитель Дивее́вскую не
оставляющая.

Кондак 5

Богото́чныя струи́ произлива́ются тобо́ю, ма́ти
на́ша Ма́рфо, всем бо се́рдцем прилепи́лася еси́
ко еди́ному Вѣ́чному Животу́ и Красоте́
неизрече́нной, Иису́су Христу́, пою́щи Ему́:
Аллилу́иа.

Икос 5

Ви́деша сестры́ тво́я, преподо́бная мати
Ма́рфо, я́ко чу́до пресла́вное сотвори́ с тобо́ю
Госпо́дь: чрез служи́теля бо Сво́его Серафима́

сподоби́ ты ве́дети ве́лия обе́тования́, я́же о сла́ве Дивее́встей. Сего́ ра́ди тебе́, вели́цей уго́днице Бо́жией, взыва́ем си́це:

Ра́дуйся, соверше́нства А́нгельскаго во о́трочестве́ дости́гшая;

ра́дуйся, за́поведи́ преподо́бнаго нико́лже преступи́вшая.

Ра́дуйся, а́гнице Христо́ва, на землѣ́ благоче́стно пожив́шая;

ра́дуйся, ю́ности и красо́ты своея́ не пощади́вшая.

Ра́дуйся, послуша́нию нас навча́ющая;

ра́дуйся, целому́дрие и чистоту́ восхваля́ющая.

Ра́дуйся, к желаний Краю́ прише́дшая;

ра́дуйся, возлю́бленнаго Спа́са и Го́спода узрев́шая.

Ра́дуйся, преподо́бная ма́ти на́ша Ма́рфо, моли́твами сво́ими оби́тель Дивее́вскую не оставля́ющая.

Кондак 6

Пропове́дует оби́тель Дивее́вская ско́рое заступле́ние и предста́тельство твоё́ пред Го́сподем. Ты же, я́ко улу́чившая дерзнове́ние ко Влады́це, не забу́ди ны, земна́я ча́да твоя́, вопи́ющая Бо́гу: Аллилу́иа.

Икос 6

Возсия, яко красная заря, прехождение твоё,
мати Марфо, от земли на Небо. Сподобилася еси
получити милости от Господа и Пречистыя
Матере Его в Небесных обителях. Сему Божию о
тебе благоволению дивящися, воспеваем сице:

Радуйся, Честнейшия Богородицы похваление,
радуйся, образе истиннаго смирения.

Радуйся, великая наставнице терпения;
радуйся, любящим и чтущим тя ходатаице
спасения.

Радуйся, честное Христово избрание;
радуйся, непорочное Богу благоухание.

Радуйся, боголюбивых душ увеселение;
радуйся, обители Дивеевския щите и
ограждение.

Радуйся, преподобная мати наша Марфо,
молитвами своими обитель Дивеевскую не
оставляющая.

Кондак 7

Яви человеколюбец Господь молитвенницу об
обители Дивеевския ты, преподобная мати
Марфо, да вси сохраняеми предстательством
твоим воззовут Господеви: Аллилуиа.

Икос 7

Новое чудо поведа о тебе, мати Марфо,
преподобный Серафим всем приходящим к нему

во дни кончины твоея; рече бо, яко многих грехов избавятся припадающии ко гробу твоему и зовущии тебе таковая:

Радуйся, от юности Богу послужившая;
радуйся, на земли благочестно пожившая.

Радуйся, ко вратом жизни вечныя нас приводящая;

радуйся, во Царствии Небеснем пребывающая.

Радуйся, яко тобою сладости духовныя насыщаемся;

радуйся, яко молитвою твоєю укрепляемся.

Радуйся, обильно исцеления источающая;

радуйся, молитися прилежно нас призывающая.

Радуйся, преподобная мати наша Марфо, молитвами своими обитель Дивеевскую не оставляющая.

Кондак 8

Странствие земное скончавши, вознеслася еси, аки чистая голубица, в невестник Христов, идеже поеши со всеми послужившими Богу хвалебную песнь: Аллилуиа.

Икос 8

Вся инокини возрадовашася, егда Ангели прияша честную душу твою, преподобная мати Марфо, и вознесоша ю во обители горния, идеже ныне предстоиши Пресвятей Троице. Мы же,

дивя́щеся человеколю́бию Бо́жию, вопи́ем ти такова́я:

Ра́дуйся, гла́су Божество́вныя благода́ти приле́жно внима́вшая;

ра́дуйся, сла́дкий мед исти́ны и спасе́ния взыска́вшая.

Ра́дуйся, всю сла́ву земну́ю попра́вшая;

ра́дуйся, дух твой горе́ возноси́вшая.

Ра́дуйся, в пресве́тлый черто́г Жениха́ твоего́ вше́дшая;

ра́дуйся, вене́ц воздая́ния прие́мшая.

Ра́дуйся, Христо́вою любо́вию уязвле́нная;

ра́дуйся, в бра́чную оде́жду облече́нная.

Ра́дуйся, преподо́бная ма́ти на́ша Ма́рфо, моли́твами свои́ми оби́тель Диве́евскую не оставя́ющая.

Кондак 9

А́нгели на Небеси́ и челове́цы на земли́ вку́пе возра́довахуся о обрете́нии честны́х моще́й твои́х, преподо́бная ма́ти Ма́рфо. Мы же, ны́не благода́ряще Го́спода, я́ко дарова́ нам засту́пницу и моли́твенницу благо́ую, вопи́ем Ему́: Аллилу́иа.

Икос 9

Вети́и многовещáннии не возмо́гут досто́йно изобрази́ти вели́чие благодея́ний Бо́жиих, уготовáнных во Ца́рствии Небе́снем всем

любящим Господа. Мы же, матери Марфо, яко сопричастнице радости неоскудеваемыя, во умилении сердца зываем ти сице:

Радуйся, на житие временное, яко на странствие, взиравшая;

радуйся, иноческаго чина измлада искавшая.

Радуйся, ангельски в рай вознесенная;

радуйся, Господом благословенная.

Радуйся, всесветлаго Царства Христова наследнице;

радуйся, безплотных чинов собеседнице.

Радуйся, сладость Небесную во веки вкушающая;

радуйся, теплою молитвою сердца наша согревающая.

Радуйся, преподобная матери наша Марфо, молитвами своими обитель Дивеевскую не оставляющая.

Кондак 10

Спастися хотящи душам нашим, матери Марфо, молиши непрестанно милостиваго Господа, да не лишит нас наследия Небеснаго Царствия Своего, поющих Ему: Аллилуиа.

Икос 10

Крепость неборимая к тебе прибегающих была еси, матери Марфо. Буди и ныне нам защитница от всяких наветов вражиих, скорая

же помощница в нуждах и скорбех, да любовью зовём ти таковая:

Радуйся, Христа даже до смерти возлюбившая:
радуйся, твердую веру в промысл Божий явившая.

Радуйся, несумненную надежду на милосердие Господне показавшая;

радуйся, нелицемерною любовью нас объявшая.

Радуйся, помраченное око душ наших просвещающая;

радуйся, в добрых делах нас мудро наставляющая.

Радуйся, милости просящим подающая;

радуйся, путь к Небеси нам указующая.

Радуйся, преподобная мати наша Марфо, молитвами своими обитель Дивеевскую не оставляющая.

Кондак 11

Пение всеумиленное приносим ти, преподобная мати Марфо, пред [ракою мощей и] святым образом твоим предстояще и молящися прилежно. Да укрепит Господь веру православную во Отечестве нашем и искоренит в нем вся ереси и расколы; да вси люди едиными усты и единым сердцем славят Бога, поюще Ему: Аллилуиа.

Икос 11

Светозарно светило буди нам, матери наша Марфо, путеводящи от земли на Небо, да возможем и мы в житии нашем прославляти Великое и Славное Имя Пресвятыя Троицы и воспевати тебе сице:

Радуйся, спасительнаго безмолвия любительнице;

радуйся, совершеннаго терпения хранительнице.

Радуйся, вольныя нищеты крест приемшая;

радуйся, постом и бдением Богу угодившая.

Радуйся, путь правый в Царствие Небесное нам указующая;

радуйся, духовную мудрость нам дарующая.

Радуйся, к Богу всею душею прилепятся научающая;

Радуйся, друг друга любить нас призывающая.

Радуйся, преподобная матери наша Марфо, молитвами своими обитель Дивеевскую не оставляющая.

Кондак 12

Благодать и милость испроси нам у Бога, матери преподобная, вразумляющую и укрепляющую нас в деле спасения, да не бесплодны явимся в час суда Божия, поюще: Аллилуиа.

Икос 12

Пою́ще и сла́вяще предивное прославление
твое, ублажа́ем тя, преподо́бная ма́ти Ма́рфо,
яко те́плую моли́твенницу о нас пред Го́сподем,
и с лю́бовию возглаша́ем ти такова́я:

Ра́дуйся, благода́тию Пресвята́го Ду́ха
приосене́нная;

ра́дуйся, во оде́жду нетле́ния облече́нная.

Ра́дуйся, неме́ркнущим све́том ду́ши на́ша
озаря́ющая;

ра́дуйся, на доброде́лание нас наста́вляющая.

Ра́дуйся, Еди́наго Го́спода во вся дни живота́
своего́ иска́вшая;

ра́дуйся, в Нем намере́ния полага́вшая.

Ра́дуйся, оби́тель Богома́тернюю возлюбив́шая;

ра́дуйся, да́же до конца́ в ней пожив́шая.

Ра́дуйся, преподо́бная ма́ти на́ша Ма́рфо,
моли́твами сво́ими оби́тель Дивеевскую не
оставля́ющая.

Кондак 13

О, прехва́льная и пресла́вная преподо́бная
ма́ти на́ша Ма́рфо! Приими́ ми́лостивно от нас
сие́ ма́лое моле́ние, в похвалу́ тебе́ приносимое,
и, предстоя́щи ны́не Престо́лу Царя́
ца́рствующих, моли́ всеблага́го Бо́га проба́вити
ми́лость свою́ на ны и на ро́ды ро́дов на́ших,
утверди́ти ны в право́верии и благоче́стии, да

